

人物傳五

明

蕭原吉字文振南城人正統戊午舉人官博興教諭以薦

入卽上章論劾權貴當路忌而軋之遂歸徜徉林下號

坡逸叟後尙書李時復薦之不就著有梅坡詩集

人物志

李遜字時敏南豐人父應祖教授岳州有師道正統戊午

遜父任領湖廣鄉薦明年成進士授嘉善知縣有鹽徒

兇搶置諸法時縣始析遜躬課生儒遂成文獻歷九載將

更民釺留詔進六品俸仍宰縣尋擢知廉州府獐狺猖獗

遜誅其首惡亂遂定珠池內官譚記暴虐百姓遜禁之不

建昌府志

卷四十一

人物傳五

得逞乃誣奏遜縱民竊珠逮遜錦衣獄遜悉發記杖人致

死及強入民家奪財物諸狀上執記對具服遂錮記而還

遜原官卒祀廉州名宦子仁貴工部員外郎以清苦著爲

詩雄健奇雋爲南城羅玘所賞

廣東通志南豐傳錄

王灝字清宇新城人益之子幼慧稱奇童天性純孝朝夕周

旋親側雖習舉子業無進取意父命就試舉正統甲子鄉

試明年會試中乙榜當領教職陳情乞便養授隣邑雩都

教諭三年丁母憂服闋補福建懷安所至師道端嚴才傑

典起冢宰王翺知其學行遷河間府教授以淑其鄉已而

聞父訃哀毀成疾卒於官時父年已九十矣

懷慶府志

俞泰南城人正統中由監生爲御史激濁揚清有聲於時而

正綱紀去貪墨理冤抑風紀肅然豪猾不敢肆至於處已待人斷獄應事皆敬慎詳密官至廣西僉事

明統志

涂澂字惟濤新城人博涉羣籍工書法正統中貢太學選入內廷書詔誥歲滿試吏部第一授徽州同知攝郡篆愛民如子去兩月以母喪歸六邑耆民千餘人乞留事聞下其奏銓部服闋銓部以前奏遷澂南京刑部郎中逾三年徵太守決民復詣所司乞奏願以澂補道澂入賀卒於京為人重厚渾樞不露圭角孫琮曾孫儲俱以能詩善書名

高志

黃瑜海城人正統甲子鄉舉景泰中知四會縣未久以憂去

天順二年補開建邑數被寇蹂躪難與守瑜早夜經營立木柵繼築磚城守護設寨各鄉以便屯聚增調官兵精練

### 建昌府志

#### 卷四十一

##### 人物傳五

二

之再歲賊三至瑜親挾弓矢與賊戰敗之斬獲甚衆歸男婦千數成化二年薦擢雷州知府先是元年縣產瑞蓮一莖三花至是超擢人以爲應菴雷兵荒相仍盜賊充斥瑜力撫字之三載盜息民安秩滿加參政俸留任在雷久惠澤及民深民戴之如父母入覲卒

嘉靖志廣東通志

饒秉鑑字憲章廣昌人正統九年舉於鄉除肇慶同知地險俗獷鑑疏濬宿弊均徭賦鋤豪強境內翕然稱治有盜來侵鑑率民兵救之郡有奸民聚衆欲爲亂鑑身往諭之衆懽然羅拜久之遷廉州知府廉地接交趾鑑什伍其民教以軍法有寇至輒擊去之御史葉盛上其功於朝特賜褒賞兩廣賊張甚民益凋瘵鑑疏奏監軍及諸將無平賊方

譽所至惟刻剝小民戰小勝則張虛聲以邀賞敗則不以  
上聞疏入權貴大怒中以非罪褫其職廉民千餘人詣當  
道訟寃不報鑑歸優悠泉石以書史自娛立義倉義學建  
雲峰書院與羅應魁講學其間及卒何喬新為表其墓何文

淵集

楊清建昌所千戶正統十四年閩寇鄧茂七連陷石城瑞金  
餘黨踐入廣昌新坊清統兵千餘人勦襲瀕行用鳳仙花  
染足指屬家人曰他日尋吾屍以為識已而果敗清死之

正德府志

近志跋云按正德志以楊清鄧俊附載名宦傳後考洪武中制各所千戶許令入籍本所則亦南城人也前志改歸人物今仍之

建昌府志

卷四十一

人物傳五

三

傅子榮新城人正統中為郊縣丞有幹才案牘無滯公解學  
舍及橋梁道路修葺一新廣設倉廩以儲粟秩滿去士民  
上狀乞留詔進七品俸仍復任同時有王佐者為連城令  
沙尤寇鄧茂境燬官舍民居及文川橋時邑城蹟佐  
修冠廡山之悉心力邑類全二人俱以治績載  
名宦而太邑志平久之故其出身不得而詳  
李實字維亮號杏園泰之祖自少以孝聞有司舉孝廉以親  
老辭不就嘗客廣東同輩黃成昭卒於途為負骸歸還其  
子縣令陳昌韜舉為耆老鄉有是非咸質之  
隆慶邑志

陶復字士亨南城人景泰二年進士初任巡城御史夜振僕  
隸拾金釵井畔復曰此必汲婦所遺也命濟且俟之已

受代出杉關篋甚重故事御史至關巡檢得盤詰然無有  
舉行者獨杉關巡檢稽察之啟篋得福錢百餘劬復至館  
卽拜疏巡檢懼請罪已得所奏疏乃舉薦稱職木也入臺  
聯衆御史彈石亨受廷杖所薦巡檢已擢錦衣衛官杖  
故還釵婦之大也因得不懲於杖旋放還里未幾石亨敗  
起用建言御史復已歿贈太常寺卿馬文升墓志  
王升南城人景泰庚午鄉舉任邵武訓導初豪宕不羈前至  
官卽引疾家居三年復任則沉潛淳篤講授之暇竟日靜  
坐觀書不輟論及財利輒赧然不出一語諸生有所奉承  
却去先是有何恕者任泰寧教諭嚴明體切於訓諭甚

建昌府志

卷四十一

人物傳五

得士心去任後與王升俱以師儒列名宦恕宣德壬子舉

人邵武府志

張進新城庠生景泰四年捐米一千五百石賑饑有司上聞

勅旌義士縣志

熊邦美符三孫俱南豐人景泰四年邑大饑二人出粟以賑

事聞朝廷勞以羊酒免三年祿派差徭仍賜勅獎諭先是

正統間南城饑傳震賑之其後又饑潘萬斌劉德舉上官

文昇先後施賑皆得賜勅並同潘劉上官皆建坊見南

城明志傳震見瀘溪明志

朱懷德南城人自以族衆不睦爲耻創義田建家廟修祖塋

竭力三十年創立家規長幼翕然從之及卒族人哀念不

忘共置祀田於清明前一日拜掃其墓曰景功祀

嘉靖志

何喬新字廷秀廣昌人文淵子也景泰五年登第授南京禮部主事丁外內艱服闋改刑部主事歷郎中錦衣衛卒犯法喬新捕治之都指揮袁彬有所屬不從彬怒使人招撫無所得由是名大起成化四年遷福建按察副使尋寧銀礦盜採者聚衆千餘人所在剽掠而福寧豪民尤氏擅殺人出入隨兵甲拒捕者二十年福清薛氏時出海與諸番互市事覺將爲亂喬新至悉募兵殲其渠魁清流歸化里介沙縣將樂間恃險不奉官賦喬新爲白都御史置歸化縣又嘗奏免興化火斃牛課減福安寧德火絕銀礦三之二民困始蕪遷河南按察使歲大饑故事賑至秋而止喬

建昌府志

卷四十一

人物傳五

五

新曰止於秋謂秋成可仰也今可已乎賑至明年麥熟乃止時都御史原傑以招撫流民至南陽引喬新自助先是巡撫項忠驅流民復業過當民間傑至益竄山谷中喬新身往招諭之附籍者六萬餘戶遷湖廣右布政使荆襄民苦徭役喬新爲驗丁口貧富列爲九等民便之十六年擢右副都御史巡撫山西邊地軍民每出獵塞外喬新疏言此輩苟遇敵必輸情求生是賊導也宜毋聽其出犯者罪守將詔報可敵犯塞與叅將支玉伏兵灰溝營擊斬甚衆進左副都御史歲饑奏免雜辦及戶口鹽課十之四勅令事尙敬劉源椿獄請勅天下獄官淹半載以上者悉免罪帝稱善從之召拜刑部右侍郎敵犯大同紫荊居庸皆

喬新巡邊相地勢險阻築城堡簡精壯爲戰守計已  
知小王子營多老弱請開道搗之敵知有備潛遁去山西  
大饑人相食復奉命往賑活人三十餘萬還流民十四萬  
戶還朝會播州宣慰使楊愛爲庶兄安寧宣撫使楊友所  
構喬新奉詔往勘命卽囚愛以待喬新言楊氏據有播州  
已六百餘年民知楊氏而已一旦囚禁恐羣衆驚疑輒生  
他變旣而與巡撫劉璋共訊其誣乃奪友官遷他州播人  
遂安喬新性剛守正與人落落不苟合在朝所與者惟邱  
濬彭韶而已於是諸當路者忌之孝宗嗣位萬安劉吉等  
柄政遂出爲南京刑部尙書中官懷恩爲不平詣閣言新  
君初立當用正人胡爲出何公安等無以對旣而刑部尙

建昌府志

卷四十一

人物傳五

書杜銘罷衆望屬喬新而吉代安爲首相終不補宏治改  
元始用王恕薦復召爲刑部尙書先是沿江蘆洲率爲中  
宮侵奪託言備進奉喬新在南爲民奏還之入內益拒絕  
請托大小獄必求當法意舊制遣官勘事及逮捕罪人必  
齋精微批文赴所在官司驗視乃行後止用駕帖喬新奏  
言宜復舊制以防矯僞又言京師中異言異服此伊川被  
髮野祭之類也宜禁止疏上皆報可當是時言爲相與正  
人相仇頗興大獄喬新率據法直之吉愈啣恨數摭他事  
奪其俸二年京城大水喬新請恤災民又慮刑獄失平  
上律文當更議者數事吉悉格不行乞罷上復不許  
鄒魯擊去大理丞爲已地喬新乃薦郎中魏紳補之

失望會喬新外家與鄉人構訟魯卽誣喬新受賂曲庇吉  
取中旨下其外家詔獄喬新連拜疏乞歸久之窮治無驗  
魯坐停俸喬新亦許致仕歸久之江西巡按御史陳詮奏  
喬新始終全節乞行勘本官無疾宜取任用有疾宜加慰  
勞以全故舊之恩中外君子亦多論薦而忌之者衆竟不  
起宏治十五年卒年七十六喬新沈心濂洛之學義利之  
介辨之必明自始仕至尙書皆以積久而後遷工部觀政  
時奉使淮西巢令關徽爲其父受業弟子因喬新致金爲  
師壽不納既家居楊愛遣人致饋且獻良材可爲櫬者悉  
却之喬新卒後江西巡撫林俊爲請謚給事吳世忠引宋  
歐陽修朱熹被誣去位故事復請皆不果正德十一年廣

建昌府志

卷四十一

人物傳五

七

昌知縣張濂

史說作傑

復以爲言乃贈太子太保尋廢明年論

文肅所著有椒邱集宋元史臆見勳賢琬琰集周禮集註

策府羣玉諸書傳於世

明史本傳

李敏字斯和廣昌人景泰七年鄉舉通判肇慶府時兩廣獍

獠爲變仕者不願往敏獨毅然任之甫至謁巡撫韓雍雍

在江西時知敏才會瀧水徭掠郡境雍卽命討之屢戰皆

捷寇不敢犯者數年已而寇隔德興新興復檄敏進討俘

斬千計賊大舉諸洞氛張甚敏請曰賊勢盛不可力爭

願得便宜從事雍許之遂據要害挫其銳賊氣懾乃遣使

招之示以恩信羣寇相率請服願悉歸所掠贖罪於是郡

境晏然高要大水沒民田數萬頃敏爲言於方伯奏免其

諫民德之旋以疾乞歸行至南雄卒敏嘗受學於何椒邱  
其卒也椒邱為誌其墓

廣東通志

傅顯字圭璋幼遭粵寇流落韶州商人李季婉撫育之及季  
婉亡服喪三載歸南豐父母叔伯俱死於寇寄讀壽昌寺  
者十餘年景泰間以四十五歲以上列入國學詔求賢良  
方正知縣陳勉知府黎忠巡撫韓雍皆以顯薦召對後諫  
以秦皇之苛刻不如孝文之寬仁僅授瓊州推官請贈韶  
州李季婉爵以報其恩未幾忤權貴下獄迷連歸易十卷  
于蕭愍公謙白其誣乞歸田里于公又薦用上命顯同李  
賢姚夔洪英等十五人分巡各省顯巡行八閩且復上疏  
陳五事極言南宮城之鎖鑰建庶人之幽囚又排陳循易

建昌府志

卷四十一

人物傳五

八

儲之議與宦官銀豆之賜併乞奏定各省鄉試額數不用  
後睿皇閱景泰間奏章乃手勅豸憲精忠以表其門後遷

新城

南豐  
邑志

黃仁字文玉號寬夫南城人生而醇實孝友弟蚤世遺孀  
與之共爨幾四十年孤賴以立嘗客湖海抵東光篙師  
其貲欲害之仁覺而免不旬日篙師被執官召仁往驗仁  
曰彼利吾財耳吾幸而生又何以害其生為入都復遇寇  
於數百人中獨麾之去不忍加害

張文  
僖集

黃璉字廷重號素菴廣昌人天順初選貢知賀縣賀雜蠻徐  
或以為難璉莅位以廉惠自樹有斂民自奉為常例者  
一切禁止均差役罷非常之貢民咸便之



諸生與之講論士風丕變猶猶令其高年爲  
長俾諭以威福患遂輯賀軍弁素嫚易邑令璉請於大吏  
許聽約束在任九年遇事敢爲士民凡遮留者三卒禮賀  
縣名宦百年後賀人猶思之不置子金任雲南呈貢令亦  
以廉著祀鄉賢

廣西通志

左贊字時翊號桂坡南城人天順丁丑進士授吏部主事連  
丁內外艱服闋進秩郎中遷浙江參政勸農興學理冤獄  
謫奸豪兩浙荒歉之餘露飢徧野贊檄所司瘞之成化二  
十二年陞廣東布政以老乞休贊幼穎敏七歲有能詩聲  
北長學益博爲文謹繩尺崇理致讀之溫然可愛學書於  
程南雲端重竒古得二蔡筆意憲宗訪求善隸者或以贊

建昌府志

卷四十一

人物傳五

九

書進帝覽之稱善初官主事疏言李觀墓在鳳凰山麓故  
事子孫同守令學官拜掃歷年既久墳墓荒蕪俎豆不及  
乞勅有司封其塋域禁樵牧立祠致祭詔從之又輯觀詩  
文三十七卷附錄三卷行世性耿介議論是非不少假借  
嘗學於姚夔及受知李賢二人秉政人謂贊且大用然卒  
爲異已者所忌未竟厥志著有桂坡傳錄一卷文集二十  
卷梅花百詠深衣考正歷解易覽各一卷贊卒子慧墓之  
於三谷雲門構廬墓側朝夕展省有甘露降何喬新記其

事何椒邱集  
羅一峯集

楊本立原名福入新城人捐租數千助修太平橋郡守嘉其  
忠厚命名本立天順二年捐米六百石賑饒州荒有司聞

於上賜立旌義坊

同時助修太平橋者新城孔彥旻獨建中墩廣昌賴達助白金千兩又南城志

載羅明輔嘗洗產制建太平橋然未詳其時

李斌字大倫廣昌人天順三年鄉舉任漳平知縣清本革弊以廉能自飭邑有婦役每裸體跣足與男子相混斌莅事悉為禁除舉行鄉飲必選齒德俱尊者敦延獻酬曲盡其禮巡按御史特疏薦之後仕漳者多以為則

纂修錄

邱安南城人天順間歲貢仕常熟縣丞任事剛直有節操民德之及歸讓產與弟惟墾田山間以自給其先有上官雍者由吏員仕閩縣丞亦有節操至隸不能活多求去致仕

歸惟教授鄉子弟二十年足不入城市

正德志嘉靖續志

潘烈字孝民號一菴南城人師事吳康齋篤學敦行幼喪父

建昌府志

卷四十一

人物傳五

十

事母克孝母死居喪一循禮制終喪雖久言及於母輒泣然泣下郡守謝士元賢大夫也與烈交甚愜烈教以復鄉射古禮每相見必規以正學未嘗以私干後士元以書薦之

高志

陳文義號靜菴新城人寡言慎行敦朴好禮鄉人稱為廉靜翁晚年服古衣冠結十老會以詩酒相娛樂邑令呂讚郡

守謝士元皆贈詩待以賓禮年八十三卒

高志

黃鑑字愈明廣昌人讀書務博覽恥守章句為文章明辨可喜遊學南雍成化初選授灌縣令灌號劇邑鑑莅任誅擊奸吏鋤土豪無所顧忌性廉謹俸錢外一介不妄取上官以其廉他小事一以相屬縣有儉民與倉官為奸盜

見大府檄鑑覈其實鑑鈎較按覆得其奸狀倉官懼  
之鑑持不可封所賂上聞倉官恨甚反誣鑑以他事嘗受  
已賂嗾其子訟於上上素知鑑笞其子而遣之會巡按御  
史至又訟焉御史受其狀上官爲白於御史曰黃知縣廉  
能吏寧有是耶而是時御史故人有罪按察使置諸法怒  
曰吾在此不能庇一故人若曹乃欲庇所私邑令耶卽逮  
鑑對簿鑑不勝其鍛鍊遂自誣服太府知其寃語之曰汝  
實無罪盍訴諸朝乃之京具陳寃狀事下都察院寢弗理  
鑑素剛遂感疾卒

何文肅集

甘祥字應麟南豐人御史霖孫成化戊子舉於鄉屢上春官  
不第有同舍生通關節適病以贈祥祥笑而置之外兄李

建昌府志

卷四十一

人物傳五

十一

釗有寵於李孜省時孜省以左道獲上驟貴士大夫夤緣  
門下者無虛日祥將謁選釗致孜省意欲爲營善地祥愕  
然曰吾以是得進對妻子有慚色矧可以居上臨下乎遂  
不赴選而歸

甘文信傳

揭明廣昌人性綆直嚴於禮法與人無色笑故合者益寡成  
化四年舉於鄉訓導富陽以師道自任有失禮者卽面責  
之無異語晚歸休林下杜門掃迹當道避而語之謂不

明縣志

羅儼字大觀南城人博洽善屬文有詩名從成廣東閩帥藩  
長貳多賓師之往往造其廬至忘上下分有詩行於世若  
黃鷗不管春歸去隔葉數聲清晝長誦者輒稱警句

高志

張昇字啟昭南城人成化五年進士第一授修撰歷諭德  
治改元遷庶子大學士劉吉當國昇因天變疏劉吉納賄  
縱子等十罪疏載吉憤甚風科道劾昇誣詆謂京工部  
員外郎吉罷復故官歷禮部左右侍郎十五年代值瀚爲  
尙書凡增祀典擇賢才禁奢靡重名器省供應可身任者  
次第行之孝宗崩真人陳應循西番灌頂大國師挪卜堅  
參等以祓除率其徒入乾清宮昇請置之法詔奪真人國  
師高士等三十餘人名號逐之昇在部五年遇災異輒進  
直言亦數爲言者所攻然自守謹飭武宗嬉遊怠政給事  
中胡煜楊一漢張禴皆以爲言章下禮部昇因上疏請親  
賢遠佞克謹天戒帝是之而不能用昇遂連疏乞休不允

建昌府志

卷四十一

人物傳五

三

正德二年秦府鎮國將軍誠激請襲封保安王昇執不可  
忤劉瑾謝病詔加太子太保乘傳歸月米歲支如制卒贈  
太子太傅諡文僖所著有柏崖文集十四卷詩集二十二

卷和唐詩十卷

明史本傳

姚理字公輔號壺山南豐人成化庚寅歲貢請選授縣簿冢  
宰見其儀容修偉改別駕辛丑授長沙通判時陝西大旱  
檄長沙米十六萬往賑人皆規避理慨然任之吉王莊田  
十七萬分莅六縣理議徵折轉輸以免厲民王恚甚理乃  
削牘奏王敷陳義利王感悟親宴勞錫文綺圖書法帖甚  
寵渥牧軍縱王廐馬食民禾麥官弗敢問理卽收牧軍十  
餘人拷掠追償馬害遂息獄囚反郡守勒官軍射之理曰

何忍盡殺令軍士登高大呼凡疑獄未成不同反者皆囚  
地在獄十人得免逃者十三人理授邏卒方畧曰乍離行  
徑情貌易識連宵造謀必酣寢幽僻之所如其言果悉獲  
木商俞聰悅市僧趙氏女不可得乃自匿令妻以殺命誣  
趙趙氏母與兄皆斃唯女與次兄二嫂存理疑其冤密訪  
聰妻及同行者隔別詢之遂得聰所在劉指揮子方四齡  
鄰人利其金釧殺之事發得屍於指揮仇家溝中理曰豈  
有怨家殺人而不遠棄其屍者乎密訪里中小兒得其情  
鄰人伏辜理入南監時鄉人李孜省病疫理護視之得愈  
久之孜省以左道幸官禮部侍郎謀報理理不肯卽謝而  
歸年甫五十有三理初艱子嗣趙女脫窻之歲日夕祈天

建昌府志

卷四十一

人物傳五

三

願理產子竟如其言

邑志

何喬壽字廷齡文淵子成化十年舉人資性明達日記千餘  
言以博學稱聞羅一峰倡學吉州延而師之一峰剛介寡  
合獨愛其誠切留居十餘年一峰歸壽以身爲教四方學  
者輕千里而至弟喬福字廷錫工書善畫不自靳惜求之  
無弗與者季弟喬年字廷祺好鼓琴良友至延之琴軒爲  
鼓中聲蠲忿釋躁多有移性情者

明縣志何文肅集

王華字廷光南城人成化十一年進士宏治間累官浙江  
事性堅正慎惜法紀而意常近厚鋤強扶弱興學育才政  
務犁然有紀又捐俸刻忠義集七卷忠義集者南豐劉水  
部之子所咏宋末死事詩也趙秉善既輯之閱百餘年而

沒華與劇目何喬新偶得其本讀之慨然曰  
新莊多宋史所遺者不可使其無傳遂刻之遷廣西副使  
未行卒於浙

浙江通志 忠義集序

趙璽字允用副使禮之孫幼穎敏博學工詩文動必守禮曾  
讓貢於友李惟遜吉安羅倫作詩美之成化十二年始貢  
成均為海州判官致仕以詩酒自娛號星舟道人所著有

北行稿啟岱集

王璽 縣志

夏雲字時望號奇峰南城人明春秋學舉成化丁酉鄉試歷  
任西華商城教諭所至皆得士心至家設木主以祀為人  
軌則先民操履不苟膺聘考校有懷千金鬻舉者暮抵舍  
力拒之又有以饋道故人書至者竟不啟然終身不發人

建昌府志

人物傳五

十四

姓名人以厚徵稱之

李泰字叔通號塞齋新城人成化戊戌進士授工部主事莅  
通州河道兼督通倉官軍連歲負逋繫法司瀕死者十五  
泰念之會後運有贏者與所司計補其負囚得釋皆感泣  
毋憂服闋除前官專治呂梁修築隄岍千百丈值旱蝗竭  
誠禱民咸德之轉員外郎提督神木及天津諸廠時宦倖  
李廣督宮役同官多屈泰獨長揖久之致仕歸泰天性淳  
慤兢兢自守不為矯厲精易學動必由禮何屋陳袞皆其  
所陶鑄者也晚年諸族戚困不給者恒周恤之年九十三

卒 江西通志

按南城志亦載李泰不知緣何而誤

曾光字伯熙與父汝愚弟仲質皆以長者爲何椒邱所稱許  
光性敏強記人有異書不憚數百里求之善真草工吟詠  
作文根極理要爲郡邑士大夫所推重英廟實錄下郡邑  
採輯羣舉以屬光治喪一遵朱子家禮終三年不入內少  
時見遺金於途坐待還其人生平救災卹患表揚節義之  
事多不勝書行誼文章兩無愧云

趙璽墓志

江澂字景吳南城人成化癸丑進士歷知黟縣建平寧海所  
至廉靜有聲初海寧瀕海民苦坵江塘稅澂核邑田得欺  
隱及新懇五百餘畝充補糧額民得少甦遷松江同知改  
淮安節愈厲聲愈馳擢四川僉事清理屯田鹽法公私皆  
便三年乞致仕

明統志

建昌府志

卷四十一

人物傳五

五

彭子安南城人讀書能詩爲人朴野有古行人爭以道目之  
其題畫詩有云何當一躍上九霄翻倒天瓢澤下土知言  
者謂子安非真迂也

高志

何宗字本茂廣昌人文淵長子穎敏好學不樂仕進縣令補  
爲弟子員不赴郡守以經明行修薦亦不就家雖世祿而  
服用儉素比於寒士父守温州徒步往省布衣屢往返  
數千里人不知爲貴公子也居鄉恂恂然無貴賤皆敬愛  
之與諸弟居輒舉聖賢相勸勉善詩文能書法邑碑刻多  
出其手嘗病邑志散佚極力討葺父歿哀毀幾不能生邑  
有儉人因宿憾構其兄弟以大罪宗詣闕自陳下錦衣衛  
獄既而得自遂遘疾以卒弟端字本謙文淵次子人淳厚

有佃遺火及其倉廩佃惶懼將鬻子女以償端笑曰誤耳  
何懼爲其行事有古人風類如此何文肅集

廖秉綏廣昌人性友愛五世同堂婦入門無敢言分居者衣  
製無專隨短長服之成化中羅一峯寓邑高其行誼造廬  
請見爲言於有司旌其門曰雍穆復爲文紀其事西江志

按通志作永綏茲從縣志

黎伯仲南城人幼喪父事母飲食必躬烹以進怡怡左右未  
嘗少忤已服賈四方春出秋必歸省歲以爲常尤念父不  
逮養乃像而事之常於客中望雲泫然思親屬畫工爲寫  
之廣昌何文肅記其事椒邱集

曾賜字子華廣昌人性警敏尤刻苦於學讀書或達旦不寐

建昌府志

卷四十一

人物傳五

十六

爲文章理致淵永既入庠十餘年不赴鄉試有強之起者  
曰吾學未成奚行爲少與何廷秀友善廷秀官主事時爲  
愴人所誣繫獄賜不憚數千里爲直其寃久之貢南雍上  
舍未幾卒何文肅集

李郁字彥勳南城人讀書無心利祿生平行事必以聖賢爲  
楷範父沒於遼海郁間關險阻至其地卒得父骸負以歸  
葬所居門板嶺巷里人感其事呼爲孝子巷正德志

黃壽字純仁號松厓南城人成化癸卯鄉舉任黃州通判居  
已廉潔而爲民之心勤懇無已值歲饑盡力賑濟所全活  
無算善決事吏惴惴不敢欺黃州民目爲神遷涪州留心  
民瘼一如莅黃州及卒民追思之不忍忘崇祀名宦嘉靖志



夏泉字時清南城人受業於兄雲明春秋學成化丙午舉鄉試授蘓州通判海寇起僉以弭盜推泉故有幹濟才喜談兵至是益自奮廣招募與衆協力卒降其魁明年餘寇復熾巡撫檄泉往泉銳精任事同官嫉之誣以法閱二稔得釋又屬海寇侵窺監司仍委之有客以招撫爲說泉燭其奸立杖死親率士卒夜隨潮汐搗賊巢賊倉皇失措遽就擒時稱爲飛海將軍方叙功而泉疏請甚力遂乞休晉奉訓大夫以歸居家以友愛聞嘗奔宜陽扶兄柩歸次泗山舟漏漂沒且盡泉慟哭柩回流不去呼他舟舉之所著有平海錄子良勝自有傳

張文僖集

徐政字孟宣南城人成化甲辰由歲貢授廣西恭城知縣

建昌府志

卷四十一

人物傳五

七

廢舉墜鋤強勸善民皆心服地接邊境蠻賊出入不常政下車示以恩信六年間亂不復作而地方獲寧民懷

爲建廉尹坊

明瀘溪志

陳袞字廷章號蘭坡新城人成化丙午鄉舉任天台知縣廉約自持務省費息民歲饑緩賦賑卹俗生女輒不舉爲約婚嫁禮懲其不舉者當道薦其才調青田丁母憂起令定海治行益著擢知儋州儋在海外俗故鄙衮以禮教治新文廟立社學建東坡祠以風之有戍卒鬻婦償公廩袞以俸代贖之儋民感格擢汀州同知方正自持不屈權貴郡有訴婦毆姑當大逆袞訊治得姑姦狀釋其婦當道嘗上考以父憂歸居喪哀毀卒檢具俸積僅足治殮而已



武進本寺卿擢南京吏部侍郎遇事嚴謹僚屬畏憚上大  
本急務疏言逆瑾逐榮王虛朝廷皇儲未建疏論激切且  
侵執政者考績赴都遂引疾致仕歸寧王宸濠慕其名遣  
使餽玳避之深山及叛玳已病馳書守臣約討賊事未舉  
而卒所著有類說圭峰奏議文集若干卷嘉靖初贈禮部  
尙書諡文肅學者稱圭峰先生

明史本傳

李璽字德貴南豐人幼聰敏目光如電家貧篤學登成化丁  
未進士授行人出使諸藩饋贐一無所授遷工部員外郎  
介然自立中貴請屬一無所徇寓舍逼窄僅容榻每趨朝  
惟啖餅啜茶而已宮十餘年子弟皆布袍糲食一時清節  
以之爲冠

正德志

赴昌府志

卷四十一

人物傳五

九

符遂字良臣南豐人爲人捐脫俗尙獨持古格中宏治己酉  
鄉試選授銅陵知縣甫抵任以艱歸服闋補楊州興化地  
處海涇際豪強持縣官短長號難治遂至絕苞苴杜請謁  
字弱鉅強豪猾屏迹賢聲徹江北泰州有滯獄積久不決  
直指使者檄遂往勘一訊立折兩造無遞情秩滿擢通判  
金華府以忤逆瑾黨未行而罷居鄉四十年杜門自守布  
衣蔬食淡如也縣令曹宏祝繼臯以進士任頗下視一邑  
獨敬禮遂每徒步訪其家促膝談至夜分間以巨獄質遂  
遂嘿聽直視無酬語繼臯曰此真大丈夫也手書特立二  
字表其堂其授徒於家雖子衿壯齒必先授以小學行而  
中見者必起立曰符先生來惡少望之輒匿去風俗爲之

曾宏廣昌人性矜重寡言笑好讀書雖隆寒酷暑弗輟或曰  
子不應舉讀此奚爲宏曰吾知聖賢行己之道古今治亂  
之迹足矣何必爲利祿計耶叅議蔣汝郡守舒崑山咸寶

禮之明縣志

劉腹各志書名公腹誤

字克彰南豐人因遺腹生命名曰腹以不逮

事其父爲恨母葉氏苦節孀居腹奉之踰恒情四十餘年  
如一日母疾則嘗糞甜苦歿則齋貫爲殮葬則廬墓傍不

食肉而飲泣者三年竟以哀過成疾卒宏治十六年邑令

陳完旌其門教諭張紉爲之傳正德志

王達字希賢號東川新城人瀨孫少失父事母以孝聞陳叅

政請教其子閱半載念母告歸幣禮再至以晨昏潤侍力

建昌府志

卷四十一

人物傳五

三

辭不赴宏治時貢太學授浙江建德訓導丁繼祖母憂歸

生平敦厚平直如里咸質成焉至今稱厚德者歸之隆慶邑志

李綸字廷言新城人泰子性愿慤言動謹飭毋先卒父年九

十餘晨夕承歎敬養不怠居喪廬墓三年不肉食隆慶邑志

張恩字元錫號兩山南城人昇長子宏治己未進士以兵部

郎課最擢廣東叅政分守嶺東所至以愛民爲務惠州有

巨惡民苦之號十虎三彪恩按治悉處以法民露香遮拜

曰天生公活我民也山海寇猖獗甚撫鎮檄恩督勦大捷

累官浙江左布政致仕歸家居廣構別墅日與友朋壺觴

棊槩以自適尤耽吟詠晚年作詩倦倦以衛武公自警生

平學行器業不愧其家聲人物志墓志

嘉祐新城人幼喪父事母頃刻不離側每事必咨稟而行  
母年九十卒哀號耕鋤勺水不入口三日絕而復甦蔬食  
水飲三年之內非奉祭祀夫婦未嘗一日相見服闋每歲  
忌辰齋戒朔望躬詣塋域拜奠率以爲常鄉人稱爲孝子

隆慶  
邑志

余永壽新城人家貧授徒養母母死三年不御酒肉結廬墓  
側日夜號泣鄉人惡之燬其廬永壽復葺之終喪

高志

鄭嶸字天挺號白窓南城人初攻舉子業有聲庠序舉弘治  
辛酉鄉試已更博綜古籍凡詩律樂府六書八體之學罔  
不窮究授高涼州判在任清糧畝平賦役興學校政聲卓  
卓部使者賢之擢知眉州苦折腰遽致仕歸歸與宗里人

建昌府志

卷四十一

人物傳五

三

修同仁釋義社孟羹豆肉敦隆古素悠悠然自適也生平  
絕玩好甘藟糲歷官州牧而做廬數椽條然儒素年八十  
卒李萬實表其墓

崇實  
堂集

隋清字揚之號石泉南城人宏治甲子舉於鄉初知劍州號  
繁劇清理之裕如調潼川端方剛果事至立辦吏不敢爲  
奸新學校正士習潼人德之期滿當去學士揚名爲作去  
思碑尋遷襄陽同知當道委以蘓州織造羨餘千金一無  
所取居官十餘年留家室養母惟隨以二僕卒之日囊無

遺貲

四川通志  
嘉靖志

高輔字世叻廣昌人正德歲貢嘉靖中知始興縣均田賦築  
河坊重學校表貞節奉公守職銳於任事竟以累卒歿邑

民哀焉輔性至孝初母卒廬墓深山虎嘗過之不徙亦不害也邑令黃德題其門曰彰孝

廣東通志

夏良勝字于中號東洲南城人正德二年舉鄉試第一明年成進士授刑部主事調吏部進考功員外郎流賊方熾條上用兵便宜南巡詔下良勝具疏與禮部主事萬潮太常博士陳九川連署以進言方今東南之禍不獨江淮西北之憂近在輦轂廟祀之鬯位不可以久虛聖母之孝養不可以恒曠宮壺之孕祥尚可以早圖機務之繁重未可以盡委鎮國之號傳聞海內恐生覬覦之階邊將之屬納於禁近詎忘肘腋之患巡邊不已臣等將不知死所矣時行芬黃鞏陸震疏已前入吏部郎中張衍璠等十四人刑部

建昌府志

卷四十一

人物傳五

二

郎中陸倕等五十二人繼之禮部郎中姜龍等十六人兵部郎中孫鳳等十六人又繼之而醫士徐整亦以其術諫諸疏既入帝及諸倖臣皆大怒遂下良勝潮九川鞏震整詔獄芬及衍璠等百有七人罰跪午門外俄令良勝等六人跪闕下五日加桎梏焉至晚仍繫獄當是時諸臣晨入暮出纍纍若罪囚道旁觀者無不泣下而廷臣自內閣楊廷和尙書石玠疏救外莫有言者芬等百有七人跪既畢杖各三十謫居首者於外餘奪俸半歲良勝等六人及周叙余廷瓚林大輅各杖五十鞏震良勝潮九川除名他貶黜有差整戍邊而車駕亦不復出矣時號良勝芬潮九川爲江西四諫良勝既歸講授生徒世宗立召復故官尙書

喬宇賢之奏爲文選郎中公廉多所振振大禮議起數傳  
寮長力爭及席書張璉桂萼方獻夫用中旨超擢又連章  
執不可由是爲議禮者所切齒以久次遷南京太常少卿  
未赴外轉給事中陳洸傅會張璉等訐奏良勝遂謫茶陵  
知州明倫大典成詔責前郎中良勝脅持庶官釀禍特深  
黜爲民初良勝輯其部中章奏名曰銓司存稿凡議禮諸  
疏具在爲讐家所發再下獄謫戍遼東三萬衛踰五年卒  
於戍所穆宗立贈太常卿所著有中庸衍義十七卷東洲  
稿十二卷詩八卷東戍錄一卷

明史本傳

車廷松號白江南城人抱所學弗用於世獨居白江樓上閉  
戶著書繩樞甕牖屢空晏如先後郡邑守造廬以請或坐

建昌府志

卷四十一

人物傳五

三五

論久出蔬食共食守益恭而主澹然若未嘗顧也王柱史  
湛塘謫郡推睥睨一世惟見廷松則肅然起敬額其居曰  
白江高士性骯髒落落寡合惟喜南豐李萬實同邑爰良  
勝及卒萬實爲辭誅之甚慟所著有白江集

崇質堂集

吳琚字時用南城人少受學於洪敏志趣慕古終巨簡嘿有  
言人之短者琚不答徐曰吾輩或亦蹈此人多媿服以善  
詩著名一時有司鄉達咸造廬請謁性安恬淡嘗有句云  
莫教風遞書聲去恐惹人將物色來

嘉靖志

鄧俊字秀夫世襲建昌所千戶正德五年提兵備禦廣昌賊  
猝至執俊及知縣余復善以去浹旬賊逼挾百端卒不屬  
獲脫歸姚源賊熾俊奮欲自効凡戰數合皆利賊見其驍

捷陰識之日弩叢射俊陷淖泥中被獲不屈為賊所磔事

蜀優給其子正德志

邱振字騰霄號月塘南城人正德庚午舉人事母飲食必親

進母疾不盥不櫛躬嘗藥餌遇盜以身翼蔽其母盜感而

釋之人稱孝子初任龍谿教諭言笑不苟而德意藹然多

士懷之仕至直隸太平知縣福建通志高志

李淡字日章南豐人御史立曾孫正德五年貢南雍受知熊

石峰會疏舉遺子弟六人肄業詔以淡傅之選授碭山丞

碭小而苦寇重以河患流亡相屬淡捍禦疏洩有方畧民

以歸業兩攝豐令以強幹稱不為權貴撓司徒元山席哪

命出賑淮以北徐以南委淡淡條令既嚴復躬省糶殮調

建昌府志

卷四十一

人物傳五

方藥聚舖三月蕭然無譁全活以千萬計薦上權貴沮之

遂謝歸結廬北郭之陬吟詩以終子桎有長者行嘗積書

萬卷以教其子弟鄉人稱為質郵先生柱子萬實自有傳

陳明水文集

鄧華字文美號古愚南豐人事父母誠孝正德辛未流寇屠

城華與幼弟完俱被執將兵之華以弟未有子乞免完獨

就死完曰兄為家督有子死則一家俱死矣吾寧就戮無

子女繫也寇義而舍之潛德錄

王衡廣昌人正德間庠生幼孤貧未學比長母遣從師即勵

志承母教母卒朝夕哀哭寢枕處塊為之剝越小祥猶不

啖葢鹽竟以毀終知縣黃德純表其門明縣志



王詠符岳壽皆廣昌人詠有機謀岳壽負膂力嘗奉臺檄  
義總正德六年粵賊破南豐退屯洙溪二人從知縣梁榮  
追擊之兵至五湖坪未及陣賊數千分道夾攻官兵大潰  
岳壽力戰死詠爲賊所執磔死九年賊劫南邨一再至典  
史王良弼率鄉勇吳旺揭聰追捕之戰於洙溪聰射殺賊  
執旗者旗偃聰踴躍進擊衆寡不敵陷陣死旺已執賊首  
欲生俘之爲他賊所乘旺拔劍不得出亦死隆慶中有李  
日升者禦寇而死都御史徐拭爲立廟祀於西關明縣志  
王祿字汝學號一溪新城人達之子也承家學博覽強記文  
義高古正德癸酉鄉舉授平和令平和故盜藪新置縣民  
獷戾竊發祿推誠心與之更始修文廟開社學捐俸易田

建昌府志

卷四十一

人物傳五

七

以教之立申明旌善亭以別善惡立社稷山川厲壇起社  
倉養濟院畫萬人塚飭譙樓繕城堞闢教場築屯堡諸公  
署公館衢途舖舍規制大備荒屯旣闢禮俗日新旁邑訐  
訟者皆願就平和以聽三年當奏滿自稱新民者千餘人  
赴當道乞留嘉靖初疏大禮未正皇儲未建忤旨下巡按  
御史逮治罷其官平和之民不遠千里號泣追送立石頌  
遺愛焉旣歸課耕楊溪菜羹蔬食終其身平生孝友撫弟  
及弟子女如所生修譜系創祀儀以收族凡建陂治橋立  
義倉皆勉出財力里民感其澤春秋拜祝不輟江西通志  
朱銓字振衡南豐人正德辛未廣寇犯豐銓糾義旅禦賊衆  
寡不敵爲所執銓驅幹魁傑賊壯而欲降之銓大罵不屈

遂遇害

張恩墓表

李瓊字廷潤世襲建昌所百戶加副千戶嘉靖辛酉瓊提兵禦寇於臨川之周方濬慷慨奮勇手刃三賊賊叢攻之中鎗死事聞贈指揮同知立旌忠祠通會門外與守備王址並祀子應陽襲正千戶自有傳縣志  
易瓊號平岡廣昌人正德間監生為人輕財急義有古長者行嘗以百金買李文德田既成約而未授價其夜水大至田盡漂沒文德惶惶悲且泣瓊曰既成約即吾田也如數畀之友人貧無子老矣為買妾贈之卒舉子又輸田七十畝於學宮以助贍生儒授潛山令不赴母強之乃一抵任月餘歸曰吾不以易吾養也撫兄三孤子捍禦外患不遺

建昌府志

卷四十一

人物傳五

六

餘力卒以成立里人稱之

何三省縣志

楊諫字司忠新城人早孤撫於叔嵩及長以勇力聞正德中廣東大帽山賊起鄰境騷動里中子弟尊諫為領袖習武技以為備甲戌三月賊犯廣昌太守蘓錫命別駕蘭斌檄諫及南城羅順十同卻賊各率農兵赴之諫與賊戰於廣昌西門身先士卒賊稍却及復戰蘭駭而奔諫力屈遂被害順十戰溪上殺二賊渠矢盡亦見殺死者二百餘人兵備道遣官致祭卹其家新城志廣昌志  
曾瀚字元沛南豐人正德九年流賊破縣瀚負繼母以逃中疾作爲賊所獲瀚抱母泣乞賊釋母賊執瀚去且行且泣賊給之曰母已死矣瀚慟哭幾絕賊感動語其僮曰

此孝子也贈以三緘遣歸

曾思孔  
縣志

程熾字文純南城人正德中舉於鄉授景州學正褫身範士務砥礪名節次及文藝當塗引重命主瀛洲書院逢十八辛弟子員雋者從講習丁憂補曹州轉松江府教授松俗習靡熾力鎮浮誕崇廉質蹈履繩墨以身爲諸士先直指使視學一生於講末致頌美蒙賞倍熾惡其謔佞取賞散諸生斥責之士習丕變擢知鹽城縣鹽城海邑民竄賦徭多奸避覈正之歲旱蝗民饑熾亟行賑助有寃獄論死者十九人力申雪活之築隄捍決河剝水次倉便轉運轉上元縣在留輦下俗雜政殷勲闕號驚臺省率制熾一意利民弗趨避內璫以事過金陵所至饕虐夫廩外無備也璫

建昌府志

卷四十一

人物傳五

元

怒欲辱之熾抗陳民艱璫爲改容民居近孝陵者以誤殺苑中獸入死獄莫爲直熾白司寇得末減諸散荒錢平市值酌公費後守咸以爲法熾宰二邑三入覲乘一馬以一馬負册一隸馭馬時尙書霍韜在禮部風稜矯矯莫與匹民爲之語曰禮部霍韜天有日上元程熾月無雲歷南刑部主事郎中出守鎮遠鎮遠彝方也熾勤恤其隱無鄙薄心屏私餽去煩苛寬權市公聽斷懲暴橫清驛傳時供億加意節損省浮費十五六屢決疑獄毀淫祠建社學有黠卒妄奏辯其誣詆反坐之豪民侵貧弱者訟地四十年未決斷還之戍伍有三十年未支糧者多方給與卹苗叛豪猾與私通者痛鋤禁檢其會蠻懼不敢犯官九年轉陝西

死馬寺少卿馬政弊已久燼竭力振釐至不下堂五日  
磨侵地復牧軍簿覈丁馬除補疾作致仕去燼入官四十  
年廉勤端惠所至樹風教白建節婦孝子忠烈祠毀妖廟  
以其址葬野死者其折獄不務苛訊要以理屈其心或書  
聯語韻語於牘罷訟者自愧退或相視泣解所去必有頌  
聲或勒思於碑或尸祝於家或祀名宦祠歸家無餘貲白  
奉儉節既屬疾獨倡建宗祠定祭儀增墓田修譜乘諸先  
產盡讓其伯氏居室與昆季共獨所宿樓兄子又舉其半  
鬻之作籬自障為詩有風雨半閣樓蓋紀實云

傳維麟  
明書

建昌府志

卷四十一

人物傳五

三

能殮邑令梁榮嘉之賻之甚厚門人為營葬事

明縣志

曾儉字思禹號峭壁南豐人有學行正德戊寅歲薦以忤銓  
司選知雲南永昌衛事署宜良縣適鄰境兵變寇盜充斥  
軍書旁午儉以靜鎮之民不知兵而饋餉不乏還衛無事  
惟賦詩講學而已監司賢之遣郡縣生儒從講春秋居官  
二載歸林下優游不入城市及卒南城程燞志其墓著有  
孤臣戀闕峭壁詩稿

曾思孔  
縣志

金章字文煥號鳳山其先武進人世襲益府羣牧所千戶遂  
為南城人能詩尤敦孝行母病章籲天願以身代病遂愈  
人以孝感名其堂作詩美之夏良勝為序劉源有孝感堂  
記章故具文武才有所制弗究於用而奇正宕逸率發於

詩遠近皆知其名

南城夏志

吳縫字子縫南豐諸生性篤孝友兄弟七人不分異父病吮  
癰母病嘗糞友人曾獻高才宿學以限年被黜遂充論求

退嘉靖續志

璩淵字澄之新城人為掾吏能詩有志操初授浙江布政司

照磨蕭山湘湖積為豪勢所擅上司命理之路嚙不行竟  
公其利民為立碑揚龜山祠中湖之利故龜山啟也遷福

建布政司副理問委驗海船商人例有厚餽固却不可乃  
納之公帑買粟備賑上官題其廩曰卻金嚴率兵靖漳寇

擢太倉州同知致仕著有三勇集隆慶邑志

黃節三軼其名南城人生平寬厚多盛德事有偷兒乘昏匿

建昌府志

卷四十一

人物傳五

三

廡下與中節三偶察視得之其人惶懼請死節曰無庸

汝以貧故至此呼酒與飲贈之金俾轉運枷口其人愧謝

去嘉靖辛酉子季茂孫文煒同領鄉薦文煒聯捷進士徐仲

光集

揭夔字廷臣南豐人正德間監生任崑山主簿以清慎著安

亭鎮之三區田最下賦額與他鄉等嘉靖乙未歲大旱官  
督賦如平日民盡逃亡夔言於守令為借兌荒熟還之履

畝丈量規不可墾者除其稅立圖頭法力省而易辦民稍

稍復業感夔之德相與涕泣為立石紀其事被檄查興江

三縣餘糧守正不阿民賴其利江中遇寇相戒不犯以此

清官也卒於任士民哀之安亭鎮德政碑墓志

萬崇字廷高南城人由吏員任安陸典史以清幹名署本縣  
及應城雲夢事雲夢會版造崇卻額輒贖金悉歸公裕有  
富民謀殺姪者却其重賕竟直之嘗致葛數端於郡伯陳  
公腆蹙然曰萬典史廉介人也吾忍鷺鷥脚上割股耶